



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	7/2/2013

NASIONAL 7

Ambil serius obsesi Anwar: Dr Mahathir

BH - 7/2/2013

Kuala Lumpur: Amaran Datuk Seri Anwar Ibrahim mengenai demonstrasi ala 'Arab Spring' di Malaysia perlu diambil serius berikutan obsesinya untuk menjadi Perdana Menteri, kata Tun Dr Mahathir Mohamad.

Menyatakan beliau tahu akan kapasiti Anwar untuk melakukan huru-hara, bekas Perdana Menteri, berkata Ketua Pembangkang itu membuktikan dirinya sebagai 'juara' demonstrasi pada masa lalu.

Dr Mahathir berkata, ketika beliau menjadi Menteri Pelajaran pada 1974, Anwar menganjurkan demonstrasi pelajar mendakwa kebuluran menyebabkan kematian seorang budak lelaki di Baling, Kedah; tetapi tiada demonstrasi serius selama 16 tahun apabila dia menyertai kerajaan.

"Sebaik saja beliau keluar kerajaan, ada demonstrasi setiap minggu. Obsesi beliau untuk menjadi perdana menteri akan mendorong beliau mewujudkan 'Arab Spring' supaya cita-citanya menjadi kenyataan.

"Beliau tidak peduli sekiranya kestabilan dan ekonomi negara terjejas teruk asalkan beliau dapat menjadi perdana menteri," kata Dr Mahathir dalam entri terbaru dalam blog beliau bertajuk 'Janji Anwar' di www.chedet.cc, semalam.

Entri terbaru itu ditulis sebagai respons kepada janji Anwar untuk mengatur 'Arab Spring' di Malaysia seperti dilaporkan di Australia.

BERNAMA +